



庶物異名疏
三

庶物異名疏卷十六目錄

飲食部

楚瀝

蘭生

美祿

金盤露

椒花雨

養生主

齊物論

匹製

酉

玉友

紅友

玉薤

翠濤

萼綠香

瓮中雲

銀光

冷冽香

薌林秋露

玉井秋香

秋玉

黃嬌

冰堂春

替夏

瓊蘇

琬液

雪液

瀑釀

清若空

瓊瑄酌

荔枝綠

綠荔枝

月波

瑞露

歡伯

屠蘇

崑崙觴

燻蠹

碧琳腴

紫琳腴

布渾察兒

俗兒氣

葭

檟

薜

石蕊

石岳白

綠華

紫英

臯盧

白乳頭

金蠟面

金英

綠片

驚雷莢

萱花帶

紫茸香

登

釵

晚香侯

華池左味

哭尺太元素

消摩

精漿

牢丸

薄扞

起漉

麤麤寒具

黍臙

黃頷臙

安胡

側厚

寬焦

薄夜

料

餽

粗救

張皇

安乾

羅閣

乾肺

肺膈

熱洛何

涪

石撞

玉腴

腹腴

血醢

金螯玉膾

爛

困腴

菽乳

百花醴

螯乳

述蕩擊

細飄

服修

束脩

藏魚

鴻脯

胥

軒

劑

雞織

魚醬

山膚

柰脯

幽菽

具染

臆

墜

瓊糜

甘需

畢羅

逐夷

胡斂

餘

雲子

風實

祭青

阜丰

骨董

禁巒

河祗脯

杏炙

刀圭

寒

庶物異名疏卷十六

檇李陳懋仁無功著

飲食部

楚瀝

楚辭大招註楚瀝酒名也

蘭生

蘭生漢武帝酒名漢書百末旨酒布蘭生謂以百草花末雜酒中也一曰百味旨酒芬布蘭生味或作米唐太宗詩醴醑稱蘭生

美祿

漢書云酒天之美祿

金盤露

椒花雨

養生主

齊物論

楊誠齋退居名酒之和者曰金盤露勁者曰椒花雨唐子西在惠州名酒之和者曰養生主勁者曰齊物論

匹製

古今詩話云刁約使契丹有詩云餞行三匹製密賜十貔狸匹製以大小罌爲之如黃漆貔狸

形如鼠而大北狄以爲珍膳

酋

禮記月令注酒熟曰酋周禮注酋昔酒也鄭司農云昔酒今之酋久白酒所謂舊醖者也吾嘉白酒之勁者釀家每譽之曰是愁久者蓋亦此意但人未知此酋字耳

玉友

劉跂命酒爲玉友仍爲作傳

紅友

東坡南遷北歸嘗與單秀才步田間至黃土村地主以酒來餉曰此紅友也

玉薤

玉薤隋煬帝酒名得法於胡人者

翠濤

翠濤魏左相酒名大罌貯之十年而味不敗唐太宗嘗賜詩曰醺醪稱蘭生翠濤過玉薤千日醉不醒十年味不敗

萼綠香

范才元酒名萼綠香

瓮中雲

易毅夫酒名瓮中雲

銀光

胡長文酒名銀光

冷冽香

冷冽香一名桂子香楊誠齋酒也

薌林秋露

薌林秋露向伯恭酒名

玉井秋香

續曲洧舊聞酒名玉井秋香

秋玉

周弁翁釀白醪字曰秋玉

黃嬌

段子新貧而好酒人有以錢遺之者必盡送酒家名酒曰黃嬌

永堂春

一統志永堂在滑縣歐陽修守郡日嘗造酒名

永堂春

贊夏

贊夏酒名見詩經類考

瓊蘇

琬液

瓊蘇琬液皆酒名出醉鄉日月又南岳夫人設王子喬瓊蘇綠酒

雪液

東坡謝黃宴送酥酒詩隴右土酥釀似酒揚州雪液却如酥雪液揚州酒名也

瀑釀

研北雜志王晉卿一帖云瀑釀四器納上以瀑釀酒可謂奇

清若空 瓊瑄酌

清若空秀州酒名瓊瑄酌嶺南酒名

荔枝綠 綠荔枝

山谷詩王公權家荔枝綠廖致平家綠荔枝試傾一杯重碧色快剝千顆輕紅肌廖之綠荔枝王之荔枝綠酒皆戎州第一

月波

紫桃軒雜綴考張能臣名酒記秀州酒名月波

瑞露

桂海虞衡志瑞露帥司公厨酒也經撫所前有井清烈汲以釀遂有名

歡伯

易林云酒爲歡伯除憂成樂

屠蘇

廣濟方以大黃等八味咬咀囊盛沉井中至元

日平明出藥置酒中名屠蘇云量力飲之一人
飲一家無疫一家飲一里無疫殊驗時鏡新書
云元日飲屠蘇酒從少者起宋有問董勛者答
曰俗以小者得歲故賀之老者失歲故罰之仁
嘗謂老者又逮元日是增歲可賀何罰之有

崑崙觴

魏賈鏘有蒼頭常令乘小舟於黃河中接河流
源水以釀酒名崑崙觴芳味世中所絕

燻蠹

長楊賦云歐橐它燒燻蜜蠹燻蠹乾酪也以爲
酪母

碧琳腴 紫琳腴

藝林伐山云碧琳腴酒名見曾吉父詩仁按山
谷詩喜公新賜紫琳腴真誥詩漱此紫琳腴則
又茶名

布渾察兒

元太祖紀汪罕王號也見人部父子欲謀害帝乃遣使
者來曰向者所議媯事今當相從請來飲布渾

察兒布渾察兒華言許親酒也

伶兒氣

北虜呼酒曰伶兒氣

葢

櫃

薺

茶經南方嘉木一曰茶二曰櫃三曰葢四曰茗

五曰薺喘薺老茶也

石蕊

石蕊蒙山茶名見本草綱目

石嵒白

墨客揮犀云蔡君謨善別茶後人莫能及建安

能仁院有茶生石縫間寺僧採造得八餅號曰

石嵒白

綠華

紫英

杜陽編同昌公主上每賜饌其茶有綠華紫英

之號

臯盧

臯盧茶名也皮日休云石盆前臯盧見侯鯖錄

白乳頭

金蠟面

庶物異名疏

卷十六 飲食部

白乳頭金蠟面北苑焙茶之精者見類林

金英 綠片

金英綠片俱茶名也見唐六典

驚雷莢 萱花帶 紫茸香

覺林寺僧志榮

一作崇

收茶爲三等待客以驚雷

莢自奉以萱花帶供佛以紫茸香蓋上以供佛而最下以自奉也客赴茶者皆以油囊盛餘瀝而歸

登 釵

研北雜志李仲賓學士言交趾茶如綠苔味辛烈名之曰登又北虜重譯名茶曰釵

晚香侯

古人以茶爲晚香侯

華池左味 哭尺太兀素

華池左味仙家謂醋也又北虜重譯虜謂醋曰哭尺太兀素

消摩

杜蘭香以藥爲消摩

精漿

神異經東南有人名黃父以鬼為飯以霧為精漿

牢丸

薄扞

起漉

束皙餅賦云春饅頭夏薄扞一作持秋起漉冬湯

餅四時皆宜惟牢丸西陽襍俎引伊尹書有籠

上牢丸湯中牢丸牢丸今湯餅束賦既列此於

湯餅之外則段云湯餅恐未確韻府作牢丸東

坡惠州詩豈惟牢丸薦古味要使真一酒也流

仙漿歸田錄云起漉牢丸皆莫曉為何物薄持

荀氏謂之薄夜亦莫知其何物但坡公以牢丸

對真一六一居士稱牢丸韻府亦收於上聲而

升庵則云非是並著之以俟攷

麩麩

寒具

于寶周禮注祭用麩麩晉呼為環餅又曰

寒具今日餠子鄭玄云寒具米食也賈思勰要

術云環餅一名寒具以水漉入牛羊脂和作之

入口即碎林洪清供云寒具捻頭也以糯米粉

和麩麻油煎成以糖食之據此乃油膩粘膠之物故客有食寒具不濯手而汚桓玄之書畫者玄自是不設饑饉饉饉亦名寒具也

黍臠

穢衡在黃祖艤舟上會設黍臠衡先自飽食不顧衆賓唯舉搏黍戲弄臠羹也

黃頷臠

南齊虞棕傳豫章王嶷盛饌饗賓王問今日肴羞寧有所遺否虞曰恨無黃頷臠何曾食疏所

載也

安胡

安胡彫胡也菱結實成彫胡黑米也七發云安胡之飯

側厚 寬焦

真珠船今三原市肆市賣餅有曰側厚者按東京夢華錄胡餅店賣寬焦側厚乃知其稱有自卽武林舊事所謂寬薄脆者今京師但名薄脆

薄夜

薄夜餅也荀氏四時列饌傳夏祀以薄夜代曼頭束皙餅賦云以時爲餅

糝

糝板屑米餅也宋書文帝崩郭原平號慟日食麥糝一枚

餽

餽郁豆飴見說文蒼頡解詁曰餽飴中着豆屑也

糝

張皇

楚辭注糝音巨膏環也餽餽乾飴也方言曰

餽張皇

安乾

盧湛祭法曰四時祠皆用安乾特束廣微曰安

乾糝音巨之倫

羅闈

涼州異物志高昌僻土有異於華寒服冷水暑啜羅闈郡人呼粥

乾肺

易噬乾肺得金矢疏正義曰乾肺是臠肉之乾者一曰肺肉之帶骨者

肺臠

盧湛法曰四時祭皆用肺臠

損

說文臠切熟

肉於血中和也釋名肺臠贊也全米糝之如膏鑽也

熱洛何

玄宗命射生官射鮮鹿血煮其腸賜食之謂之熱洛何賜安祿山及哥舒翰

涪

爾雅肉謂之羹廣雅羹謂之涪

注

疏云大羹肉

涪盛於登謂太古之羹不謂以鹽菜及五味

石撞

說糶成都最重炙蟾乃大蝦蟆兩兩相負牢不可解以酒炙之號為真品沅陵謂之風蛤德興謂之石撞

玉腴

輟耕錄曰江鄰幾雜志丁正臣齋玉腴來館中

沈休文云福州人謂之佩羹卽今魚脍是也

腹腴

腹腴魚腹下肥肉也禮少儀云冬右腴

血醢

說文云羊血醢勸釋名血醢以血作之增其酸
豆之味使甚苦以消膏而加菹其中亦以消酒

金鰓玉膾

南部烟花錄吳郡獻松江鱸魚煬帝曰所謂金鰓玉膾東南佳味也

爛

禮郊特牲曰三獻爛潛一獻熟爛沉肉於湯說
文云於湯淪也

囷腴

少儀曰君子不食囷腴疏云囷犬豕也腴豬犬
腸也言豬犬亦食米穀其腹與人相似故君子
俱食他處辟其腴

菽乳

菽乳豆腐也豆腐本淮南王安之術煮豆為乳

東坡謂豆腐也

百花醴 螫乳

百花醴蜜也鬼谷子又名螫乳弘明集石藥爾雅蜂子蜜一名白葩有一開士與仁言蜂房割蜜如梅花者色白另一處雜花者則皆黃若山蜜則穢蕊俱來凡蜂取花先以水濡足無水處卽以溝穢之水山蜜多不佳

述蕩擊

酉陽雜俎食品有述蕩之擊擊手腕謙欠三音擊掌後節

中也述蕩獸名見獸部

細飄

細飄一曰魚鰾見酉陽雜俎

服脩 束脩

公羊注服脩者脯也禮婦人見舅姑以棗栗取其早自謹敬服脩取其斷斷自脩脯加薑棗曰脩穀梁注束脩脯也

藏魚

藏魚鮓也說文云

鴻脯

六研齋二筆仙人服日月光芒者宜食竹筍鴻脯筍者日華之胎鴻脯者月胎之羽鳥也

胥

周禮庖人注曰若青州之蟹胥說文云胥蟹醢也

軒

禮記大夫燕食有膾無脯有脯無膾肉腥細者為膾大者為軒又云麋鹿為菹野豕為軒憲

劑

南史俗間以細剉肉糅以薑桂曰劑

雞織

雞織細擗其腊令織然後漬以酢也兔亦如之見釋名

魚醬

晉武帝致山濤魚醬一斗

山膚

七發曰肥狗之和冒以山膚山膚卽七啓玄熊

素膚之膚產於山故曰山膚

柰脯

柰脯者切柰暴乾之如脯也

幽菽

具染

幽菽豆豉也韻書配鹽幽菽具染見呂覽注醬
豆豉也

醃

內則漿水醃梅醬也

墜

通俗文淹韭曰壘淹薤曰墜

瓊糜

楚辭精瓊糜以為糧瓊糜今之米糊羹

甘需

甘需西王母與燕昭王遊所設之饌也見仙傳
拾遺

畢羅

老學庵筆記集英殿宴金國人使九盞其五曰
羣仙角太平畢羅

逐夷

南齊書虞愿傳帝素能食尤好逐夷以銀鉢盛
蜜漬之一食數鉢

胡皷

老學庵筆記楊朴詩云數個胡皷透徹骨乾一

壺村酒膠牙酸南楚新聞亦云一櫟瓊根數十
皷盤中猶自有紅麟皷不知何物疑餅餌之屬

餘

越絕朱餘者越鹽官也越人謂鹽曰餘

雲子

風實

漢武內傳漢武煉丹以赤者爲風實白者爲雲
子又太上之藥有雲實杜詩飯抄雲子白

祭青

酉陽雜俎食品有御宿祭青一云粲

阜斗

高誘呂覽注橡阜斗也其狀似栗橡斗子煮食
可止饑微苦枕中記云橡子非果非穀最益人
服食無氣而受氣無味而受味消食止痢令人

強健

骨董

羅浮穎老取飲食襍烹之名骨董羹

禁臠

晉元帝得狔以為美項上一臠尤佳號禁臠

河祗脯

鷄跖集云武夷君食河祗脯注云乾魚也

杏炙

酉陽雜俎飲食有杏炙鼃炙

刀圭

說梛酥名大刀圭醍醐名小刀圭酪名水刀圭
乳腐名草創刀圭

寒

說梛腊肉謂之寒寒與韓通鹽鐵論羊淹鷄寒
釋名韓羊韓鷄是也曹植樂府寒鱉炙熊蹯五
臣乃竄寒鱉為魚鱉七啓寒芳蓮之巢龜竄為
寒芳蓮之巢龜

庶物異名疏卷十七目錄

布帛部

阿

錫

細都

弱析

服瑣

綸帶

黃潤

賓椽

沙塌兒

騫黑騫勒

考泥啞魚

捨黎

卑泊

滿者提

沙細巴付

撒哈刺

蘭干

屈駒

石絨

大毳

竹練

納

羌翅

縹

白越

升越

白越議

毘氈

葉輪

織絲

輕容

白疊

織皮

七纓

禽絲

偏諸

子氈

納石失

綠貼可

速夫

怯綿里

織絮

牽離

氈

庶物異名疏卷十七

檇李陳懋仁無功著

布帛部

阿

錫

細都

弱析

列子云衣阿錫張湛曰阿細縠錫細布漢書音義云阿細縠錫布淮南一云弱縠細布也揚雄蜀都賦細都弱析析即縠也升庵云此文阿錫對齊紈阿亦地名齊有東阿其地亦出絲帛錫韻書作縠孫愐云袒衣也若以阿為細縠於字

義不通又禮錫十五升布卽總也加灰治之曰錫言錫然滑易也又衣緣曰錫悉著之以備攷

服瑣 綸帀

急就篇服瑣綸 投帀 茲與衆連注服瑣細布織

爲連瑣之文綸帀緡布之尤精者集韻大布曰帀按今之瑣服濶不盈咫亦有玉色其文似雲水斑簾似縠非布性堅厚如研光聞是鳥毛然尚未悉著以問之

黃濶

司馬相如凡將篇云黃濶鮮美宜制禪揚雲蜀都賦笥中黃濶一端數金左思蜀都賦黃濶比筒蓋筒中細布也

寶幪

魏都賦寶 叢 幪 駕 積帶寶南夷稅名幪布也

沙塌兒

沙塌兒榜葛刺國布濶三尺五寸長四丈若三

梭

驀黑驀勒

鷯黑鷯勒濶四尺長二丈背面皆毳絨厚可五分卽兜羅錦也

考泥啞魚

考泥啞魚日南國棉布名

捨黎

捨黎者古里國布名此云西洋布也出於隣邦巴夷之屬每疋濶四尺五寸長二丈五尺彼國直金錢八文

卑泊

卑泊乃榜葛刺國草布名濶三尺餘長五丈六七尺細膩如粉牋

滿者提

滿者提亦榜葛刺國草布名濶四尺長五丈餘沙細巴付

沙細巴付亦榜葛刺國之緊密堅實布名濶五尺長三丈如生羅卽羅布也右俱見瀛涯勝覽

撒哈刺

一統志瑣里國產撒哈刺以毛織之蒙茸如瓊

毳有紅綠二色

蘭干

滇志哀牢土地沃美宜五穀蠶桑染采支繡蘭干細布織成文章綾錦蘭干獠言紵也

屈眴

翻譯名義集云屈眴舜此云大細布緝木綿華心織成其色青黑卽達磨所傳袈裟

石絨

大毳

元史別怯赤山出石絨織爲布火不能然楊升

庵云火浣布出蜀建昌其白如雪出於石隙元史所謂石絨也大毳亦火浣布見漢志

竹練

蘇峻之亂帑藏空竭惟有練數千端鬻之不售而國用不給王導患之乃與朝賢俱製練布單衣於是士人翕然競服之遂湧貴桂海虞衡志云練子出兩江州洞大畧似苧布有花紋者謂之花練一本練作練者非是

納

納布名宋武帝微時有納布衣襖既貴以此付
主者曰後世有驕奢不節者以此示之太平御
覽有汲衣子妻李氏與夫書并致納一端

耗翅

耗先翅細葛也見通俗文

縹

吳錄交阯定安縣有木絲樹高大實如酒杯中
有絲樹如絲之絲又可作布名曰縹泄一曰毛
布

白越

升越

白越議

越蒲屬可緝為布漢鄧后賜周馥貴人白越潛
夫論葛子升越筒中草布荊州記秭歸縣室多
幽閒其女盡織布至數十升謂之升越六研齋
筆記大食國貢白越議三段白越議番布之精
者議字尤奇

氎

揚雄蜀記南越氎豆氎分屬也

葉輪

方言葉輪史毳也燕之北郊朝鮮洌水之間曰
葉輪注云今之短度絹爲葉輪也

織絲

席上腐談曰玉藻云士不衣織鄭氏註云織染
絲織之釋文云織音志今訛爲注遂稱注絲志
注聲相近也或寫爲苧絲則又轉訛矣仁曰今
皆書紵絲以爲確然既未攷織義又妄讀紵爲
去聲而不知本上聲也

輕容

老學庵筆記亳州出輕紗舉之若無裁以爲衣
真若烟霧謂卽輕容也齊東野語云紗之輕者
曰輕容楊升庵曰唐類苑云輕容無花薄紗也
王建宮詞嫌羅不著愛輕容李賀詩蜀烟飛重
錦峽雨愛賀作輕容元微之有寄白樂天輕容
詩

白疊

晉令曰士卒百工不得服越疊注見越蒲屬疊
白疊也南史高昌國有草實如繭其中絲如纒

名爲白疊國人取織以爲布正爲輓白

織皮

書曰熊羆狐狸織皮孔安國云織皮屬一曰毛布說文屬西胡毳布也安息國有五色屬孫炎云毛毳爲屬織毛而言皮者毛附於皮故以皮表毛耳

七纓

季景帝令徒隸衣七纓布正義云纓八十纓也與布相似七升布用五百六十縫

會絲

夏本紀其篚會

零

絲會桑蠶絲中爲琴瑟弦

偏諸

偏諸見賈誼疏注若今之織成廣雅曰天竺出細織成魏畧謂水羊毳各曰海西布急就注偏諸承塵於床上以承塵條一名偏諸織縷爲之所以懸係承塵

子氎

子氎

元

北方毛段細軟者書鳥獸氎毛是也今

訛爲紫耳見羣碎錄

納石失 綠貼可

納石失一曰納失失綠貼可皆金錦也元冕服於玉環綬及輿禡之用

速夫 怯綿里

元史天子質孫服青速夫速夫回回毛布之精者又有怯綿里翦茸也質孫詳見章服

織絮

書厥篚織絮細綿也

牽離

釋名煮繭曰莫莫幙也貧者著衣可以幕絮也或謂之牽離煮爛牽引使離散如綿也說文絰蠶滓絰頭也一曰牽離

帔

帔地按急就篇帔敝囊橐不值錢帔者幪雪殘之帛也黃氏曰帔幪裂也

庶物異名疏卷十八目錄

穀部

答董

鹽鑽

重思

芭

衆

彫蓬

青科

東廡

戎叔

繁田胡

纍

應累

答

降夔

來牟

纂

守氣

導

滯穗

晉淖

飛明

青襄

角果

白穉

糠覈

紅水

蕒

稔

稱

巨勝

嘉蔬

解蠶

迦師

黃茂

秬

庶物異名疏卷十八

樛李陳懋仁無功著

穀部

答董

穆天子傳黑水之阿爰有答董西膜之所謂木禾也郭璞曰木禾粟類長五尋大五圍

鹽鑽

鹽鑽梁也魏文帝嘗以鹽鑽為御粥粒如蟻子

重思

重思艷都山稻名米如石榴子粒稍大味如菱
杜瓊作重思賦曰霏霏春暮一作秋雨暮一作茂碧翠一作
矣重思雲一作靈氣交被嘉穀應時四節既享祝
人以祀神禾鬱乎浩京巨穗橫我玄臺爰有明
祥帝者以熙

芭

詩維糜維芭起注糜赤梁粟芭白梁粟也爾雅
芭白苗郭云好穀犍為舍人曰是夷齊所食首
陽草也

衆

衆終秫也粘粟也可以釀酒見爾雅

彫蓬 青科

彫蓬卽菱米可作飯楊升庵云蓬有二種彫蓬
乃水蓬彫菘是也黍蓬乃旱蓬青科是也青科
結實如黍羌人食之今松州有焉

東廡

東廡牆似稌可作白酒見魏書出島桓地廣志
謂東廡子似葵青黑色

戎叔

天文志正月旦決八風西北戎叔為成也爾雅戎叔謂之荏菽胡豆也孫炎云大豆也菽之小者名藿一曰藿菽之葉也

繁田胡

大戴禮繁田胡者繁母也繁萬勃也皆豆實也

累

應累

累今之虎豆狸豆之屬一名滕音誅卽是物也見郭璞注吳氏本草曰小豆花一名應累

答

降雙

答小豆也胡豆降降雙雙也見廣雅

來牟

詩貽我來牟類考云來牟一物惟廣雅以薺為大麥來為小麥按說文云來周之所受瑞麥薺一來二縫象束之形天所來也則來薺不應為二物然則來薺為大麥明矣仁按爾雅大麥薺小麥稊廣雅本此為二物亦明

繫

繫率按爾雅稷冀州謂之繫

守氣

爾雅云皇守田郭璞云一名守氣生廢田中似燕麥如彫胡可食

導

封禪書曰導一莖六穗於庖索隱曰鄭德云導擇也說文導禾也字林云禾一莖六穗之導也

滯穗

北夢瑣言唐相國韋公宙善治生江陵府東有

別業良田美產最為膏腴而積稻如坻皆為滯穗

晉淖

晉淖黍稷也見儀禮

飛明

拾遺記飛明麻葉黑實如玉風吹之如塵亦名

明塵麻

青襄

抱朴子胡麻一名方莖服餌不老耐風濕其葉

名青襄

角果

梵文以大小豆等為角果

白稷

白稷意稻名五音篇作糗

糠覈

史記陳平嫂嫉平曰亦食糠覈耳崔駰按孟康曰麥中不破者仁謂覈實之覈乃糠之覆羅一過極粗者一曰小麥屑之覈謂之麩蘇果反

紅水

拾遺記東極之東有倒葉麻葉如苣色紅紫亦名紅水麻言水麻乃有實食之顏色潔白

蕒

蕒麻子一名麻勃

稔

稔說文云糜也廣韻稱稔實也

穉

穉麥名吳都賦穉秀菰穗

巨勝

巨勝胡麻之黑者一葉兩莢莖圓或曰方四角
四稜亦曰八稜見爾雅翼

嘉蔬

曲禮祭宗之禮稻曰嘉蔬

解蠡

解蠡薏苡仁也又名芑見本草經注云其葉似
蠡實葉而解散又似芑黍之苗故有解蠡芑實
之名續博物志薏苡一名斡珠

迦師

翻譯名義集云迦師後堂云唐言錯麥慈和云
北人呼爲鶩麥南人呼爲雀麥南泉抄以錯麥
爲大麥十誦指迦師爲小麥飯事鈔錯麥與迦
師一物也

黃茂

古雋黃茂穀也

秣

說文秣稻屬伊尹曰飯之美者玄山之禾南海

之耗呼到切



